

Lus Nug thiab Lus Teb txog cov xeeM MCA rau fab Nyeem Ntawv (Reading), Txis Zauv (Mathematics), thiab Fab Keebtxuj (Science)

Txoj kev ntsuas kev kawm MCA yog dabtsi?

Cov kev ntsuas kev kawm Minnesota Comprehensive Assessments (MCA) yog lub xeev cov kev xeeM rau fab nyeem ntawv, fab txis zauv, fab nyeem ntawv tthiab fab keebtxuj uas yog siv los ntsuas raws cov cai tswj fwm ntawm tseemfwm teb chaws thiab lub xeev tsab cai txog cov kev cai xeeM. Muaj cov kev xeeM no txhua xyoo kom ntsuas tau neeg kawm ntawv kev kawm ntawv los piv rau cov qauv ntawm Minnesota Academic Standards uas qhia txog tias seb cov neeg kawm ntawv nyob qib twg yuavtsum paub thiab muaj peevxwm ua tau txog licas lawm.

Vim licas peb ho muab cov xeeM no?

Peb siv MCA los ntsuas kom paub tau tias cov tsev kawm ntawv npaj ntaub ntawv los qhia puas zoo raws thiab qhia licas rau cov neeg kawm ntawm txoj kev ntsuas Minnesota Academic Standards fab txis zauv, fab nyeem ntawv thiab fab keebtxuj. Yuav siv cov kev xeeM nyeem ntawv thiab txis zauv los ntsuas nrog rau tseemfwm thiab lub xeev lub luag num kev ntsuas tsev kawm ntawv.

Cov tsev kawm ntawv siv cov kev ntsuas tau no los txhim kho kev qhia ntawv thiab kev kawm. Cov xibfwb qhia ntawv thiab cov tuam tswj tsev kawm ntawv ntsuam xyuas seb cov neeg kawm ntawv ua tau zoo rau fab twg kom paub tau tias yuav txhawb ntxiv rau txoj kev qhia li ntawd. Lawv ntsuam xyuas seb cov neeg kawm ntawv ua tsis tshua zoo rau fab twg kom lawv paub tias yuav siv sijhawm ntxiv rau dabtsi lossis hloov txoj kev qhia li ntawd.

Leejtwg yuavtsum xeeM cov xeeM no?

Txhua tus tub ntxhais kawm ntawv nyob rau tseem fwm cov tsev kawm ntawv yuav tau xeeM rau lub xeev cov kev xeeM. Fab nyeem ntawv thiab fab txis zauv yog cov kev sib tw muab rau cov qib 3-8 thiab cov kawm qib high school (cov neeg kawm qib 10 xeeM MCA Nyeem Ntawv thiab cov neeg kawm ntawv kawm qib 11 xeeM MCA Txis Zauv). Fab xeeM MCA Keebtxuj yuav muab rau cov neeg kawm qib 5 thiab qib 8 thiab xeeM dua thaum kawm qib high school lub sijhawm lawv kawm ib chav keebtxuj txog lub neej lossis chav keebtxuj txog kev chivkeeb ntawm tsiaj txhu (biology). Muaj tsawg zaus xwb uas thiaj zam tau, tsis li ces txhua tus neeg kawm ntawv uas kawm cov qib high school yeej tau xeeM MCA.

Cov neeg kawm ntawv uas nyob rau qhov Individualized Education Program (IEP) lossis nyob rau txoj kev kawm 504 muaj feem tau kev pab. Ib txhia neeg kawm ntawv uas muaj kev tu ncuu rau lub hlwb yuav muaj feem xeeM Minnesota Test of Academic Skills (MTAS) uas yuav tsis tas xeeM tus MCA. MTAS yog lwm txoj kev ntsuas lwm cov kev peevxwm ntawm fab nyeem ntawv, fab txis zauv, thiab fab keebtxuj rau lwm txoj kev kawm. [Mus saib rau MTAS Eligibility Requirements nyob rau MDE qhov vas sab kom paub ntxiv.](#) (Mus rau Districts, Schools and Educators > Statewide Testing > Minnesota Tests.)

Yuav muab cov xeeM no licas?

Txhua qib xeeM MCA fab Nyeem Ntawv, fab Txis Zauv thiab fab Keebtxuj tsuas yog xeeM hauv tshuab txuas saum huab cua xwb. Yeej muaj cov xeeM no sau rau ntawv rau cov neeg kawm ntawv uas tsim nyog siv tau, xws li cov sau loj loj thiab sau rau xuas nyeem.

Cov kev xeeb xeeb hauv tshuab xov tooj cua ntawm MCA rau fab Nyeem Ntawv thiab Txis Zauv yog cov yog cov kev ntsuas qib peev xwm, txhais tau tias txoj kev xeeb kho kom haum raws tus neeg kawm ntawv cov nqe lus teb.

- Rau kev nyeem ntawv, txoj kev xeeb kho cov qib nqe lus, kom tus neeg kawm ntawv cov nqe lus teb pab nrog txheeb mus teeb tau cov qib nqe lus yuav xeeb tom ntej thiab cov ntawv uas tus neeg kawm ntawv yuav tau tom ntej.
- Rau kev txis zauv, txhua zaus tus neeg kawm ntawv teb ib nqe lus nug, nws nqe lus teb pab txiav txim txheeb nqe lus nug tom ntej uas tus neeg kawm ntawv yuav teb rau.

Cov neeg kawm ntawv yuav npaj lidas rau cov xeeb?

Daim ntawv yais tawm hu ua "Cov Tswvyim Npaj Rau Cov Xeeb uas muaj Rau Niam Txiv Thiab Xibfwb" muaj nyob rau MDE qhov vas sab nrog ib co kev pab kawm thiab kev pab xeeb ntawv kom tau zoo. [Mus saib daim ntawv txog Cov Tswvyim Npaj Rau Cov Xeeb ntawm MDE qhov vas sab.](#) (Mus rau Students and Families > Statewide Testing.)

Cov nqe lus xyaum yuav pab cov neeg kawm ntawv kom paub tias tus xeeb tiag yuav zoo lidas thiab cov hom nqe lus nug zoo lidas ntawm tus xeeb. Cov kev qhia neeg kawm ntawv xeeb hauv tshuab xov tooj cua qhia cov ncauj lus siv cov ciaj hauv tshuab txuas saum huab cua thiab piav qhia kom txawj siv thiab cov ntawv xeeb. [Mus rau nplooj ntawv Cov Nqe Lus Xyaum ntawm MDE qhov vas sab kom paub txog kev mus cuag cov lus xyaum thiab cov kev qhia neeg kawm ntawv xeeb.](#) (Mus rau Districts, Schools and Educators > Statewide Testing > Item Samplers.)

Yuav ua lidas thiaj li dhau cov xeeb?

Cov neeg kawm ntawv yeej tsis muaj dhau lossis poob cov xeeb fab nyeem ntawv, fab txis zauv, lossis fab keebtxuj li. Vim cov kev xeeb yog ntsuas cov neeg kawm ntawv qib peev xwm raws Minnesota Academic Standards, txhua tus neeg kawm ntawv yuav tau tus qhabnia uas nyob rau ib ntawm plaub theem kev peevxwm - Tsis Txog Qhov Tswj (Does Not Meet Standards), Txog Ib Feem Qhov Tswj (Partially Meets Standards), Txog Qhov Tswj (Meets the Standards) thiab Dhau Qhov Tswj (Exceeds the Standards).

Tus xeeb MCA ntsuas cov kev peevxwm twg?

MCA ntsuas neeg kawm ntawv kev peevxwm raws xeev Minnesota Qhov Tswj Kev Kawm (Minnesota Academic Standards). [Mus saib Minnesota Academic Standards ntawm MDE qhov vas sab.](#) (Mus rau Districts, Schools and Educators > Academic Standards K-12.)

- Tus xeeb MCA rau fab Nyeem Ntawv mus raws li qhov tswj kev kawm nyob xyoo 2010.
- Tus xeeb MCA rau fab Txis Zauv mus raws li qhov tswj kev kawm nyob xyoo 2007.
- Tus xeeb MCA rau fab Keebtxuj mus raws li qhov tswj kev kawm nyob xyoo 2009.

Yuav ua lidas kuv thia j pom tau cov qhabnia rau MCA ntawm kuv tus neeg kawm ntawv, lub tsev kawm ntawv thiab koog tsev kawm ntawv?

Koj lub tsev kawm ntawv yuav tau txais ib daim ntawv tshaj qhia txog ib tug tub ntxhais kawm twg uas yog koj tus menyuam thiab yuav muab tej xov xwm no rau koj. Daim ntawv no qhia txog koj tus neeg kawm ntawv cov qhabnia uas ntsuas dav dav los ntawm txhua fab kev kawm, nrog cov qhabnia rau cov kev peevxwm ntsuas tau rau cov fab kev kawm. Muaj ntaub ntawv txog cov theem uas kawm tau, piv rau lwm cov pab pawg neeg kawm ntawv thiab piv rau tus neeg kawm ntawv cov xeeb xyoo tas los, yog tias tau xeeb dhau los.

Cov kev ntsuas rau lub tsev kawm ntawv thiab koog tsev kawm ntawv muaj nyob rau qhov Minnesota Report Card ntawm qhov hu ua Data Center nyob MDE lub vassab. [Mus rau qhov Minnesota Report Card ntawm MDE qhov vas sab.](#) (Mus rau Data Center > Minnesota Report Card.)

Yog xav paub ntxiv, tiv tauj:

Kev Xeeb Ntawv Thoob Lub Xeev
mde.testing@state.mn.us

Minnesota Department of Education
1500 Highway 36 West
Roseville, MN 55113-4266
<http://education.state.mn.us>

Lub Cuaj Hli Ntuj 2016